

2.1.11. ICYICIRO CYA XI : Ibinyabiziga ndakumirwa

Ingingo ya 36 :

1. Intabaza zihariye zirabagirana z'ibinyabiziga ndakumirwa zigizwe n'itara rimwe cyangwa n'amata menshi amyatsa y'ubururu zigomba gukoreshwa igihe ikinyabiziga ndakumirwa kiri mu butumwa bwihutirwa .
2. Uretse intabaza ndangururajwi ziteganijwe ku ngingo ya 83, ibinyabiziga ndakumirwa bifite intabaza yihariye itanga amajwi nk'arongoroye cyangwa y'inshengera – matwi.
3. Intabaza ndangururajwi ikoresheye mu gihe ikinyabiziga ndakumirwa kiri mu butumwa bwihutirwa.

Ingingi ya 37 :

Iyo umugenzi ari mu nzira nyabagendwa asatiriwe n'ikinyabiziga ndakumirwa kirangwa n'intabaza ndangururajwi yihariye , agomba kugihigamira ako kanya ndetse byaba ngombwa agahagarara .

2. Uretse ibyo bategekwa n'abakozi babifitiye ububasha bakaba kandi batateza ibyago, abayobozi b'ibinyabiziga ndakumirwa ntibategeswe kubahiriza amategeko yerekeye umuvuduko ntarengwa n'ayerekeye ibimenyetso by'umuriro byerekana uburyo bwo kugendera mu nzira nyabagendwa iyo guhita kwabyo kurangwa n'intabaza yihariye.

2.1.12. ICYICIRO CYA XII :Imirongo y'abasirikare,udutsiko tw'abanyeshuri ,imperekerane

Ingingo ya 38 :

1. Imirongo yose y'ingabo n'agatsiko kose k'abanyamaguru bari ku muhanda bategetse kugendera ku ruhande rw'uburyo bw'umuhanda no gusiga umwanya uhagije kugirango ibinyabiziga bihite .
2. Abagendera mu nzira nyabagendwa babujijwe kwata :
 - a) Umurongo w'abasirikare bagenda cyangwa imirongo y'ibinyabiziga by'ingabo z'igihugu zigenda mu muhanda ;
 - b) Mu murongo w'abanyeshuri bashorewe n'umwarimu;
 - c) Uruhererekane ;

Izi nkomyi zikurikizwa ku binyabiziga ndakumirwa.

3. Abagenzi bari mu nzira nyabagendwa bagomba kumvira ibyo bategetswe n'abasirikare bubahiriza umutekano kugirango abasirikari batambuke neza.

2.1.13. ICYICIRO CYA XIII : Amasiganwa n'andi marushanwa mu mikino

Ingingo ya 39 :

1. Uretse iyo ubutegetsi bwabitungiye uruhushya ,birabujijwe gusiganirwa mu nzira nyabagendwa ,mu mihanda no mu duhanda tw'amagare ,kuhakirira cyangwa kuhakorera ibindi bikorwa by'imikino byabera imbogamizi uburyo bwo kugendera mu muhanda.
2. Uruhushya rugomba gusabwa 1umuyobozi w'akarere ,2umukuru w'intara cyangwa 3Minisitiri ushinze ubutegetsi bw'Igihugu,iyo 1 ibyo bibera mu karere kamwe , 2 mu gice kirenze akarere kamwe gusa 3 cyangwa kirenze intara imwe .
3. Uruhushya ruvugwa muri iyi ngingo rusabwa gusa abategura amasiganwa cyangwa andi marushanwa y'ibinyabiziga ,iyo berekanye ko bafite ubwishingizi bwemeza ko uburyozwe cyangwa ibizaba ku mubiri w'abarushanwa cyangwa ku bizangirika ku bintu by'abaje kureba iyo mikino byagombaga kubabarwaho bizatangirwa indishyi.
4. Abategura amarushanwa y'imikino kunzira nyabagendwa bagomba na none kwishingira amafaranga atangwa hakurikijwe uburyo bushyizweho n'iteka rya Perezida mu gihe cyo kubahiriza ku budasanze umutekano wa rubanda no kubahiriza amategeko y'uburyo bwo kugendera mu muhanda.